

## ▶ PELEC'H-PEGOULZ ?

Dalc'het e vo Skol-Hañv 2026 KEAV  
e lise labour-douar Susunioù Plouyann  
Montroulez

Div sizhuniad studi ha dudi a vo kinniget :  
> Sizhunvezh kentañ : 05-11/07/2026  
> Eil sizhunvezh : 12-18/07/2026

Eus ar Sul da noz  
betek ar Sadorn, goude pred kreisteiz

E-pad an div sizhun-se e vo degemeret :  
• ar vugale 6-12 vloaz  
• ar grennarded 13-17 vloaz  
gant ur skipailh buhezourien en un « alsh »

## ▶ PEGEMENT ?

(Ar prizioù a zo evit ar c'hentelioù, ar boued hag al lojeiz)

Priz ur sizhuniad staj : 350 €  
Studieren amzer-leun ha tud dilabour  
diwar desteni : 300 €

Ret eo paeñ an hanter a-raok ar staj  
kas ar chekenn gant ar folenn-enskrivañ  
da gKEAV.

**Monedusted : mont e darempred  
ganeomp d'an 02 98 95 59 31**

## KAMP ETREKELTIEK AR VREZHONEGERION

Skol-hañv KEAV a zo anezhi ur bodad tud laouen  
oc'h en em gavout asambles evit klevet ha komz  
brezhoneg a-hed an devezh hag e-pad ur sizhun, pe  
ziv ; bevañ e brezhoneg ha reiñ tro d'an deskarded  
da zeskiñ ar yezh o soubañ er brezhoneg a-hed an  
amzer.

Anez gouzout diazezoù kentañ ar brezhoneg (ur  
bloavezh studi pe zaou) n'hall ket staj KEAV dougen  
frouezh deoc'h. D'an deraouidi e tegasomp soñj e vez  
aonet stajoù evite er memes mare.

Degemeret e vez bugale ha krennarded gant o zud  
en un ALSH (Accueil Loisirs Sans Hébergement) pe en  
ur gevrenn « Yezh ha Dudi ».

### Kentañ ha diwezhañ evezhiadenn e galleg

Le stage d'été de KEAV, c'est plus d'une  
centaine de personnes heureuses de se  
rencontrer pour entendre et parler breton.  
Pour chacun, le faire, c'est un choix, un plaisir :  
pour respecter cette volonté commune,  
chacun choisit de s'exprimer uniquement en  
breton. Cet effort est également un élément  
indispensable de l'apprentissage. Le stage de  
KEAV est connu pour cela. En s'inscrivant, chacun  
est donc conscient de l'engagement auquel il souscrit.

### LE BRETON EST LA SEULE LANGUE UTILISÉE PAR TOUS AU COURS DU STAGE.

Le stage ne peut profiter véritablement qu'aux  
personnes ayant des bases élémentaires suffisantes  
du breton. Nous rappelons qu'il existe des stages  
pour débutants à la même période.

E Kuzul ar Brezhoneg emañ KEAV

KEAV  
22 hent Moulouen 29000 KEMPER  
Pgz : 02 98 95 59 31  
Postel : keav@keav.bzh  
Lec'hienn : keav.bzh



# Skol HANŦV

Mont war-raok  
Bevañ e brezhoneg

SUSUNIOÙ Plouyann Montroulez

**2026** 05-11 a viz Gouere  
12-18 a viz Gouere

Kamp Etrekeltiek Ar Vrezhonegerion

# PETRA VO GRAET ER C'HAMP ?

(Eus 9e da 12e hag eus 2e da 5e)

E pep sizhun e vo dav da bep hini ac'hanoc'h dibab etre :

## Bezañ en ur strollad studiañ ar brezhoneg

Studiañ ar brezhoneg a strolladoù bihan a vo graet. Pemp strollad a vo diouzh live an dud. Ar re na gomprenont ket aezet pe na gaozeont ket plaen a vo o flas en unan eus ar strolladoù 2a, 2b pe 3. Ar re a vo uheloc'h o live a vo en o bleud er strolladoù 4 pe 5.

Dre testennoù pe c'hoarioù e vez studiet ar brezhoneg, ar c'heriaoueg, ar yezhadur hag an distagadur, diouzh doare pep kelenner. Lakaat ar stajidi da gaozeal e mod pe vod diouzh o live eo ar pal. Karget-mat e vo ar sizhuniad kentelioù evel-se

## Bezañ en ur rummad studiañ un danvez

Ar re a oar komz ha skrivañ mat brezhoneg a c'hall bezañ en ur rummad evit pleustriñ war un danvez dre ar brezhoneg. N'eo ket un « dra da zibab » evit ar re a heulio ar c'hentelioù war ar brezhoneg. A-hed an devezh e vo labouret war an danvez dibabet hag e-pad ar sizhun. Dibab un danvez a ranker ober hag unan nemetken.

E-maez ar c'hentelioù, evit an holl :

Da greisteiz : kan (ha dañs hervez an animatour)  
 Goude 5 eur (hervez an deizioù) : pourmenadennoù, c'hoarioù, mont da welet tud eus ar vro, ober sport, kemer perzh e kaozadennoù, staloù labour a bep seurt, sellet ouzh filmoù...

Ar vugale a zo etre 6 ha 12 vloaz a vo degemeret bemdeiz en ur greizenn dudiañ eus 9 eur vintin da 5 eur endev. Ar grennarded etre 13 ha 17 vloaz a vo degemeret en ur gevrenn « Yezh ha dudi ». Nullet e vo ma n'eus ket a-walc'h a enskrivadurioù.

Ar vugale yaouankoc'h evit 6 vloaz a chomo a-hed an devezh e karg o zud. Degemeret e vint er rummad « Brezhoneg er familhoù » savet evito, kinniget en eil sizhun nemetken.

### AR SIZHUN GENTAÑ

### AN EIL SIZHUN

## Ar c'hentelioù war ar brezhoneg

Ar stajidi, lodennet diouzh o live etre pemp strollad, a gaozeo hag a studio brezhoneg e kentelioù un eur ha kart, un eur a-wechoù. Daou gelenner a vo o kelenn a bep eil e pep strollad.



## Ar rummadoù war un danvez

Rummadoù kentelioù war danvezioù a bep seurt a vo kinniget d'an dud a oar kaozeal ha skrivañ brezhoneg mat a-walc'h. Bez e c'hellont dibab pleustriñ war unan eus an danvezioù-mañ :



Hervez niver an dud enskrivet, pe abalamour d'un dra dic'hortoz all, e c'hall unan bennak eus ar rummadoù pe eus ar c'hentelioù bezañ lamet kuit eus ar program. Titouroù, program ar rummad-mañ-rummad, a gavoc'h war hol lec'hienn. Kaset e vo ar program deoc'h ma c'houlennit. Displegadennoù war an doare da gelenn a vo bep sizhun evit an danvez skolaerien/kelennerien.